

REGLUGERÐ FRAMKVÆMDASTJÓRNARINNAR (ESB) 2016/263

2016/EES/44/28

frá 25. febrúar 2016

um breytingu á II. viðauka við reglugerð Evrópuþingsins og ráðsins (EB) nr. 1333/2008 að því er varðar fyrirsögn matvælaflokks 12.3 „Edik“ (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr.1333/2008 frá 16. desember 2008 um aukefni í matvælum ⁽¹⁾, einkum 3. mgr. 10. gr.,

og að teknu tilliti til eftirfarandi:

- 1) Í II. viðauka við reglugerð (EB) nr. 1333/2008 er sett fram skrá Evrópusambandsins yfir matvælaaukefni sem samþykkt hafa verið til notkunar í matvæli og skilyrði fyrir notkun þeirra.
- 2) Uppfæra má skrána í samræmi við sameiginlegu málsmeðferðina sem um getur í 1. mgr. 3. gr. reglugerðar Evrópuþingsins og ráðsins (EB) nr. 1331/2008 ⁽²⁾, annaðhvort að frumkvæði framkvæmdastjórnarinnar eða í kjölfar umsóknar.
- 3) Skrá Evrópusambandsins yfir aukefni í matvælum var tekin saman á grundvelli matvælaaukefna sem voru leyfð til notkunar í matvæli í samræmi við tilskipanir Evrópuþingsins og ráðsins 94/35/EB ⁽³⁾, 94/36/EB ⁽⁴⁾ og 95/2/EB ⁽⁵⁾ og eftir yfirferð á því hvort þau samræmdust 6., 7. og 8. gr. reglugerðar (EB) nr. 1333/2008. Skrá Evrópusambandsins inniheldur matvælaaukefni á grundvelli þeirra flokka matvæla sem heimilt er að bæta þeim í.
- 4) Matvælaflokkur 12 í D-hluta skrár Sambandsins nær yfir salt, krydd, súpur, sósur, salöt og prótínafurðir og inniheldur undirflokk 12.3 — edik. Í E-hluta skrár Sambandsins eru sett fram eftirfarandi leyfileg aukefni fyrir matvælaflokk 12.3: I. flokkur aukefni, karamellubrún litarefni (E 150a-d) og brennisteinsdíoxíð — súlfit (E 220–228) einungis í gerjuðu ediki.
- 5) Nota mætti ediksýru (einnig notuð sem matvælaaukefni E 260) sem matvæli eða innihaldsefni matvæla á sama hátt og edik úr landbúnaði, þegar hún er þynnt með vatni (4–30% miðað við rúmmál).
- 6) Í sumum aðildarríkjum er heitið „edik“ eingöngu heimilt fyrir edik sem fengist hefur með gerjun landbúnaðarafurða. Í öðrum aðildarríkjum eru þó bæði afurðir sem fengist hafa með þynningu ediksýru með vatni og edik sem fengist hefur með gerjun landbúnaðarafurða settar á markað undir heitinu „edik“.
- 7) Eftir viðræður við aðildarríki í starfshópi sérfræðinga stjórnvalda fyrir aukefni hefur komið í ljós að frá tæknilegu sjónarhorni eru matvælaaukefni fyrir þynnta ediksýru og fyrir edik úr landbúnaði jafn nauðsynleg. Því er rétt að endurskoða fyrirsögn matvælaflokks 12.3 „Edik“ til að tilgreina að hann nái yfir þynnta ediksýru (þynnt með vatni í 4–30% miðað við rúmmál), sem er hæf til manneldis, til að tryggja gagnsæi og réttarvissu varðandi notkun matvælaaukefna í viðkomandi matvælum.
- 8) Í yfirgripsmiklum gagnagrunni Matvælaöryggisstofnunar Evrópu (hér á eftir nefnd Matvælaöryggisstofnunin) um fæðuneyslu ⁽⁶⁾ eru veittar upplýsingar um fæðuneyslu innan Evrópusambandsins. Tölfræðilegar upplýsingar ná yfir gögn um neyslu ediks úr landbúnaði sem tekið er tillit til þegar Matvælaöryggisstofnunin framkvæmir mat á váhrifum.

(*) Þessi ESB-gerð birtist í Stjtið. ESB L 50, 26.2.2016, bls. 25. Hennar var getið í ákvörðun sameiginlegu EES-nefndarinnar nr. 113/2016 frá 3. júní 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

⁽¹⁾ Stjtið. ESB L 354, 31.12.2008, bls. 16.

⁽²⁾ Reglugerð Evrópuþingsins og ráðsins (EB) nr. 1331/2008 frá 16. desember 2008 um sameiginlega málsmeðferð við leyfisveitingu fyrir aukefni í matvælum, ensim í matvælum og bragðefni í matvælum (Stjtið. ESB L 354, 31.12.2008, bls. 1).

⁽³⁾ Tilskipun Evrópuþingsins og ráðsins 94/35/EB frá 30. júní 1994 um sætuefni til notkunar í matvælum (Stjtið. EB L 237, 10.9.1994, bls. 3).

⁽⁴⁾ Tilskipun Evrópuþingsins og ráðsins 94/36/EB frá 30. júní 1994 um litarefni til notkunar í matvælum (Stjtið. EB L 237, 10.9.1994, bls. 13).

⁽⁵⁾ Tilskipun Evrópuþingsins og ráðsins nr. 95/2/EB frá 20. febrúar 1995 um aukefni í matvælum önnur en litarefni og sætuefni (Stjtið. EB L 61, 18.3.1995, bls. 1).

⁽⁶⁾ <http://www.efsa.europa.eu/en/food-consumption/comprehensive-database>

Þar eð þynnt ediksýra er notuð á sama hátt og edik úr landbúnaði er ekki búist við því að tillaga að breytingum, að því er varðar fyrirsögn matvælaflokks 12.3, hafi áhrif á váhrif af völdum aukefna sem leyfð eru til notkunar í þeim matvælaflokk.

- 9) Samkvæmt 2. mgr. 3. gr. reglugerðar (EB) nr. 1331/2008 skal framkvæmdastjórnin leita álits Matvælaöryggisstofnunarinnar áður en hún uppfærir skrá Evrópusambandsins yfir matvælaaukefni, sem sett er fram í II. viðauka við reglugerð (EB) nr. 1333/2008, nema þegar ólíklegt er að uppfærslan, sem um er að ræða, hafi áhrif á heilbrigði manna. Þar eð færsla þynntrar ediksýru á skrá í matvælaflokk 12.3 í D- og E-hluta skrár Evrópusambandsins yfir matvælaaukefni telst uppfærsla á þeirri skrá, sem ólíklegt er að hafi áhrif á heilbrigði manna, er ekki nauðsynlegt að leita álits Matvælaöryggisstofnunarinnar.
- 10) Því ætti að breyta II. viðauka við reglugerð (EB) nr. 1333/2008 til samræmis við það.
- 11) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fôður.

SAMÞYKKT REGLUGERÐ ÞESSA:

1. gr.

Ákvæðum II. viðauka við reglugerð (EB) nr. 1333/2008 er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. febrúar 2016.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Í stað færslunnar fyrir matvælaflokk 12.3 í D- og E-hluta II. viðauka við reglugerð (EB) nr. 1333/2008 komi eftirfarandi:

„12.3	Edik og þynnt ediksýra (þynnt með vatni í 4–30% miðað við rúmmál)“
-------	--